

TIA'M GETU'ALAQSing



Gisimawilugwatmi'tij:

Lillian Germain
Marilyn Jacques
Blanche Metallic
Jessica Metallic
Vicky Metallic
Lola Vicaire

'Nnu'gina'muejig: Mary Ann Metallic aqq Janice Vicaire
Niganpugutg Siawiminuignewa'tu'g 'Gtli'sutiminu: Marsha Vicaire
Napwi'gigng Gisa'laji: Milaine Mercier-Pitre

Copyright © 2020 Listuguj Education, Training & Employment
All rights reserved. Images cannot be duplicated or reproduced without
written consent of the copyright holders of this resource.

Title: Tia'm Getu'alaqsing
ISBN: 978-1-989538-17-3
Date: 202009




"Siawiminuignewa'tu'g 'Gtli'sutiminu"
Listuguj Education, Training & Employment
1 Riverside West,
Listuguj, QC G0C 2R0
www.listuguj.ca

Funded by the
Government
of Canada

Canada

TIA'M GETU'ALAQSing



Tia'm atuasgwesing sitmug,
uggwatl elasg'tegl musigisg'tug.



Nemiaji jipji'jg alaqsultinniji.
O' me' gatu welamaji!
'Gsass negm gisialaqsing's.




Jipji'jg gisiasoqomaqsultijig
sipu'l aqq qospeml.

Gatu negm, amuj pa na asoqomasugwet.
Tia'm getu'gjo'tg gisaqsinn.




Na Tia'm pipanimatl Titiesal
gnu'tmagun ta'n telialaqsimg.
Tities telimatl, "Ge' jigs'tui.
Ge'gupugua'si guntewigtug,
toqo unaqiet'sg aqq majeget'sg
'gsmu'g."



Na Tia'm tela'teget ta'n gistlimuj.



Moqwa', mu gisaqsinug.
Gi's app atuasgwesingaq.




Na Ga'qaquj pejaqsing aqq telimatl,
"Gisnutmai getu'alaqsinn," jel wi'guamatl.
Telimatl, "Ge' jigs'tui. Mnja'si.
Teto'qotugwi'e'n aqq ge'gupiwnaqiet'sg
guntewigtug. Ta'n tujiw gisiwnaqien,
na majeget'sg 'gsmu'g aqq
siwnoqtestut'sg 'ggatl."



Na Tia'm tela'teget ta'n gistlimuj.



Moqwa', me' mu gisaqsinug.
Gi's app atuasgwesingaq.




Na Gitpu pejaqsing aqq telimatl,
"Nutmai getu'alaqsinn.
Gi'l na Tia'm aqq tia'mug
mu alaqsulti'gw. Gatu melgigna'tioq,
natawa'mu'tioq, aqq gesigawitaioq
maqamigeg. Pugwelgl ala'tuoqol
ta'n wela'luegl ugjit
'Nnu'g aqq gepmite'tas'gl.
Na 'mgite'te'n na."




Tia'm ilatpiet aqq gaqama'sit.



Na Tia'm telimatl Gitpual,
"Wela'lin ta'n telgnua'tuin ta'n weni."



Tia'm me' nige' megitelsit
aqq aliwenaqa'go'jingaq.
Ge's pemgi'nujing, na jini'w
peji'taqamatl tmoqta'wul.



Gi's app atuasgwesingaq!



NA





“Siawiminuignewa’tu’g ‘Gtli’sutiminu”
Listuguj Education, Training & Employment
1 Riverside West,
Listuguj, QC G0C 2R0
www.listuguj.ca